

## IZVJEŠTAJ O RADU UDRUŽENJA „NOVA GENERACIJA“ ZA 2011. GODINU

Od početka 2011. godine u Udruženju Nova generacija se implementiraju projekti:

1. Prihvatna stanica za djecu zatečenu i skitnji i prosjačenju koji se implementira u saradnji sa Centrom za socijalni rad Banjaluka i Centrom javne bezbjednosti. Projekat je finansiran od strane Centra za socijalni rad u iznosu od 10 500,00 KM. Do 06. decembra 2011. godine je u Prihvatnoj stanici zbrinuto 30 mališana, od čega je 16 djevojčica i 14 dječaka. Od toga je 17 korisnika sa teritorije Grada Banjaluka, jedno je iz Srbije, a 12 korisnika je iz drugih opština BiH. Razlozi smještaja u Prihvatnu stanicu su najčešće prosjačenje, porodično nasilje, bježanje od kuće zbog nesređenih porodičnih okolnosti, zasnivanja vanbračne zajednice i drugo.
2. Centar za socijalni rad Banja Luka i U druženje Nova generacija zajednički provode usluge Mobilnog tima za hitne intervencije. Centar za socijalni rad Banja Luka, kao institucija ima tendenciju širenja prava, usluga i zaštite koje pruža građanima Banjaluke, te u skladu sa tim nastoji da 24 časa dnevno bude na raspolaganju osobama u stanju socijalne potrebe. S tim u vezi uspostavljena je saradnja sa našim Udruženjem koja se ogleda u tome da su stručni timovi Centra za socijalni rad i U druženja Nova generacija mobilni i nakon završenog radnog vremena, te su u službi naših građana kojima je potrebna bilo kakva pomoć i podrška koje su u nadležnosti Centra za socijalni rad.  
Mobilni tim za hitne intervencije reaguje na poziv policije koja nas obavještava o socijalnom problemu koji je zatekla na ulici ili u domaćinstvu. U roku od pola časa tim, sastavljen od predstavnika Centra za socijalni rad i Udruženja Nova generacija, izlazi na lice mjesta, procjenjuje situaciju i odlučuje o hitnim mjerama i intervencijama koje je neophodno preduzeti kako bi se korisnik adekvatno zbrinuo. Nakon intervencije ili hitnog zbrinjavanja u neku od prihvatnih stanica na teritoriji Banjaluke, slučaj će preuzeti Centar za socijalni rad kao nadležni organ starateljstva.
3. Dnevni centar za djecu žrtve i svjedoke porodičnog nasilja je otvoren u aprilu 2011. godine i do kraja godine je kroz njega prošlo 60 korisnika kojima je kroz donacije i aktivnosti koje organizujemo obezbjeđena garderoba, higijena, minimum jedan obrok u toku boravka u Dnevnom centru, pomoć u knjigama, školskom priboru i slično. Kroz radionice je djeci pružena pomoć u učenju i pisanju zadaće, psihosocijalna individualna i grupna podrška, a pružena im je mogućnost uključivanja u razne kreativno-edukativne i rekreativne radionice (sekcija plesa, glume, učenja o životinjama, odlaska u konjički klub i školu jahanja, botaničko ekološka sekcija, kulinarska i druge) u koje se djeca uključuju na osnovu svojih afiniteta. U Dnevnom centru je također angažovano i 22 volontera/ke koji/e organizuju radionice kao i 20 volontera/ki koji/e svakodnevno dolaze i druže se sa djecom korisnicima. Dnevni centar za djecu žrtve i svjedoke porodičnog nasilja je finansiran od strane Ministarstva zdravlja i socijalne zaštite RS u iznosu od 36 000,00 KM.
4. Dnevni centar za djecu ulice je otvoren u aprilu mjesecu 2011. godine i do kraja 2011. godine je kroz njega prošlo oko 24 korisnika kojima je kroz donacije i aktivnosti koje organizujemo obezbjeđena garderoba, higijena, minimum jedan obrok u toku boravka u Dnevnom centru,

pomoć u knjigama, školskom priboru i slično. Kroz radionice je djeci pružena pomoć u učenju i pisanju zadaće, psihosocijalna individualna i grupna podrška, a pružena im je mogućnost uključivanja u razne kreativno-edukativne i rekreativne radionice (sekcija plesa, glume, učenja o životinjama, odlaska u konjički klub i školu jahanja, botaničko ekološka sekcija, kulinarska i druge) u koje se djeca uključuju na osnovu svojih afiniteta. U Dnevnom centru je također angažovano i 22 volontera/ki koji/e organizuju radionice kao i 20 volontera/ki koji svakodnevno dolaze i druže se sa djecom korisnicima. Dnevni centar za djecu ulice je finansiran od strane Save the Children Norway u iznosu od 62 000,00 KM.

5. Projekat Stariji brat, starija sestra se implementira u saradnji sa Dječijim domom Rada Vranješević iako ove godine nismo imali obezbjeđena sredstva. U sam projekat je uključen/a 31 je volonter/ka od kojih se svaki/a redovno viđa sa jednim djetetom iz Dječijeg doma, sa kojim kvalitetno organizuje njihovo zajedničko vrijeme i trudi se obezbijediti mu/joj potrebnu podršku u njegovom/njenom odrastanju. Udruženje Nova generacija je u saradnji sa Udruženjem NARKONE pokrenula i osnivanje Mreže Stariji brat, starija sestra tako da se trenutno projekat implementira još i u Sarajevu, Tuzli, Foči, Zenici i Mostaru. Organizovali smo jednodnevni izlet u Zenicu svih učesnika ovog projekta u BiH.
6. Edukacija djece u riziku za samostalan život u lokalnoj zajednici je projekat koji trenutno implementiramo također bez novčanih sredstava i više se vodi kao volonterski program. U ovaj projekat je u ovom trenutku uključeno 3 djece koji su korisnici Dnevnog centra za djecu žrtve i svjedoke porodičnog nasilja i 3 volonterke punoljetne srednjoškolke iz Srednje poslovne škole koji sa njima provodne više vremena nego sa ostalom djecom, individualno se druže i pripremaju ih za izazove koji im predstoje u životu.

U ovoj godini smo saradivali sa Centrom za socijalni rad, Centrom javne bezbjednosti, Dječijim domom Rada Vranješević, a uspostavili smo i saradnju sa Sigurnom kućom, Tužilaštvom, Ombudsmenom za djecu, Ombudsmenom BiH, Ministarstvom sigurnosti BiH, Ministarstvom za ljudska prava i izbjeglice BiH, Fakultetom za inženjering i menadžment i Srednjom poslovnom školom (sa kojim imamo potpisan Sporazum o saradnji), Univerzitetom u Banjaluci (sa kojim smo u procesu pregovora o potpisivanju Sporazuma o saradnji) i brojnim drugim organizacijama.

Ove godine smo u maju mjesecu primili i dvije studentice socijalnog rada na praksu, od kojih je jedna nastavila da volontira u Udruženju Nova generacija.

Također, dobili smo i nagradu za najboljeg organizatora volontiranja od strane Ministarstva porodice, omladine i sporta RS, a naša volonterka Božana Grujić je proglašena za najbolju volonterku u RS.

U februaru mjesecu Udruženje Nova generacija je na korištenje dobilo i prostorije od Centra za socijalni rad koje su bile u dosta lošem stanju. Kroz doprinos lokalne zajednice, uključivanje velikog broja donatora kao i doprinos Grada u novčanom iznosu od 5 000,00 KM uspjeli smo da saniramo prostorije i prilagodimo ih za naše potrebe, ali i popravimo dva krova što su bili prioritetni radovi. Trenutno smo u fazi sanacije potkrovlja kako bi smo djeci obezbjedili veći i sigurniji prostor za sve aktivnosti koje im organizujemo.

U oktobru mjesecu, u sedmici djeteta, a smo organizovali manifestaciju „Prijatelj djeteta“ koja ima za cilj informisanje javnosti i donatora o našem radu kao i o utrošenim donacijama čime želimo da obezbijedimo transparentnost našeg rada. Namjera nam je da ovu manifestaciju organizujemo svake godine.

U oktobru mjesecu smo također pokrenuli i humanitarnu akciju „Kad malo znači mnogo“ u cilju prikupljanja garderobe, hrane, higijene, školskih knjiga i školskog pribora, kao i finansijskih donacija koji bi pomogli rad naših Dnevni centara i Udruženja uopšte. Kroz ovu akciju smo uspostavili saradnju sa osnovnim i srednim školama u Banjaluci čime smo ih također informisali o našem radu i mogućnostima upućivanja djece koja imaju problema u svom porodičnom okruženju.

U toku je pokretanje usluga povremenog čuvanje djece, brige o licima u trećem životnom dobu i pomoći u učenju i pisanju zadaće kao i prepremama za polaganje prijemnih ispita.